



Inatsisartuni ilaasortaq,
Mala Høy Kúko

§ 37 naapertorlugu apeqquteqaammut nr. 141/2021 tunngasumut akissut

Asasaara Mala Høy Kúko,

Tunumi pisanik nakkutilliineq pillugu Inatsisartut suleriaasianni § 37, imm. 1 naapertorlugu Naalakkersuisunut apeqquteqarputit. Apeqqut uannit akisussanngortinneqarpoq.

1. KANUAANA Tasiilami aalajangersimasumik piniarnermut nakkutilliisuutitaqanngilaq, taamaattorli nakkutilliisunit angalasunit Nuummeersunit nakkutigineqarluni. Qanoq nakkutilliarernerit akulikitsigippat?

Akissut: Aqutsinermi nakkutilliinermilu aaqqissuussaanerup nutaap 2020-mi 2021-milu atuutilersinneqarata kingorna nakkutilliisut marluk Tasiilamut nakkutilliarnerlutik ataasiarlutik angalanikuupput. Pilersaarutaavoq siumut nalunaaruteqaqqaarani nakkutilliarnerlutik ukiumut marloriarluni nakkutilliarnerlutik angalasoqartassasoq.

Qulaani taaneqartutut piniarnermi nakkutilliineq pillugu Naalakkersuisut aningaasaliissutigineqartunik peqquteqarluni aaqqissuussisariaqarsimapput. Imaassappat Inatsisartut piniarnermi nakkutilliinermik ingerlatsineq allatut aaqqissuteqarfigineqaqqullugu kissaateqassasut, tamanna aningaasanut inatsisikkut aningaasaliissuteqaqqinnikkut pisariaqartitsissaaq.

2. Tasiilamut nakkutilliarernerit ukiuni kingullerni sisamani qanoq amerlatigippat?

Akissut: Apeqqummut 1-imut akissut takujuk.

Inussiarnersumik inuulluaqqusillunga


Aqqaluq B. Egede

Aalisarnermut Piniarnermullu Naalakkersuisoq

15-10-2021
Suliap normua 2021 -
Allakkat nr.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl